

ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎ ՆԱԽԱԳԱՀ

Հայաստանի Հանրապետություն, 0010, ք. Երևան, Տիգրան Մեծ 4, հեռ.՝ (+374 60) 830 840, (+374 60) 830 850
Էլ-փոստ՝ info@competition.am, վեբ կայք՝ http://www.competition.am

« 09 » 07 2021 թ.
No 77 - 1698

ՖԻԶԻԿԱԿԱՆ ԱՆՁ ՊԱՐՈՆ ՎԱԼԵՆՏԻՆ ՍԱՐԳՍՅԱՆԻՆ (ՀԱՍՑԵ՝ ԵՐԵՎԱՆ, ԹՈՒՄԱՆՅԱՆ Փ.40 Շ., 40 ԲՆ.)

Հարգելի՛ պարոն Սարգսյան,

Մրցակցության պաշտպանության հանձնաժողովը (այսուհետ՝ Հանձնաժողով) 2021 թվականի հուլիսի 6-ի ««Իմպերիալ Պալաս Հոթել» սահմանափակ պատասխանատվությամբ ընկերության և ֆիզիկական անձ Վալենտին Սարգսյանի կողմից տնտեսական մրցակցության բնագավառում իրավախախտման վերաբերյալ վարույթ հարուցելու մասին» թիվ 150-Ա որոշմամբ հարուցել է վարչական վարույթ:

Վալենտին Սարգսյանի լավաժ լինելու իրավունքն իրացնելու նպատակով Վալենտին Սարգսյանը կարող է երկշաբաթյա ժամկետում Հանձնաժողով ներկայացնել գրավոր դիրքորոշում և այն հիմնավորող նյութեր հարուցված վարչական վարույթում քննարկվող հարցերի վերաբերյալ: Վալենտին Սարգսյանի հիմնավոր միջնորդության հիման վրա երկշաբաթյա ժամկետը Հանձնաժողովի նախագահի գրությամբ կարող է երկարաձգվել մինչև երկշաբաթյա ժամկետով:

Հիմք ընունելով վարչական վարույթի շրջանակում գործի փաստական հանգամանքների լրիվ, բազմակողմանի և օբյեկտիվ քննարկման անհրաժեշտությունը և ղեկավարվելով «Տնտեսական մրցակցության պաշտպանության մասին» օրենքի (այսուհետ՝ նաև Օրենք) 43-րդ հոդվածի 2-րդ մասով՝ խնդրում ենք սույն գրությունը ստանալու օրվանից 10 աշխատանքային օրվա ընթացքում Հանձնաժողով ներկայացնել հետևյալ տեղեկատվությունը.

- այն տնտեսվարող սուբյեկտների ցանկը, որտեղ փայաբաժին ձեռքբերող անձը և իրավահարաբերության ծագման պահին գործող խմբագրությամբ Օրենքի 4.1

հողվածի իմաստով նրա հետ անձանց խումբ հանդիսացող ֆիզիկական և իրավաբանական անձինք ունեն մասնակցություն, այդ տնտեսվարող սուբյեկտներում ունեցած փայաբաժնի չափը՝ տոկոսով, այդ տնտեսվարող սուբյեկտների գործունեության ոլորտները:

Տեղեկացնում ենք, որ.

1. Վալենտին Սարգսյանը թիվ 150-Ա որոշումն ստանալու օրվանից երկշաբաթյա ժամկետում Վալենտին Սարգսյանին վերագրվող իրավախախտման փաստն ընդունելու և իրավախախտման հետևանքները վերացրած լինելու դեպքում կարող է արագացված վարույթ կիրառելու մասին միջնորդություն ներկայացնել Հանձնաժողով, ընդ որում, արագացված վարույթի կիրառման արդյունքում պատասխանատվության միջոց կիրառելիս պատասխանատվության միջոցը չի կարող գերազանցել տվյալ իրավախախտման համար նախատեսված ամենախիստ պատասխանատվության միջոցի մեկ երկրորդը:

2. Օրենքի 43-րդ հոդվածի 4-րդ մասի համաձայն՝ տնտեսվարող սուբյեկտի հիմնավոր միջնորդության հիման վրա Հանձնաժողովի նախագահի գրությամբ կամ Հանձնաժողովի որոշմամբ սահմանված տեղեկատվության ներկայացման ժամկետը համապատասխանաբար կարող է Հանձնաժողովի նախագահի գրությամբ կամ Հանձնաժողովի որոշմամբ երկարաձգվել, և տեղեկատվությունը ենթակա է տրամադրման այդ ժամկետում:

3. Օրենքի 43-րդ հոդվածի 6-րդ մասի համաձայն՝ Հանձնաժողովի կողմից փաստաթղթեր, նյութեր և այլ տեղեկատվություն պահանջելու իրավաչափությունը տնտեսվարող սուբյեկտը կարող է վիճարկել միայն այն չտրամադրվելու դեպքում՝ Հանձնաժողովի կողմից պատասխանատվության միջոց կիրառելու մասին որոշման վիճարկման շրջանակում:

4. «Նորմատիվ իրավական ակտերի մասին» օրենքի 31-րդ հոդվածի 2-րդ մասի համաձայն՝ տարիներով, ամիսներով կամ օրերով հաշվարկվող ժամկետների ընթացքն սկսվում է այն օրացուցային տարվա, ամսվա, ամսաթվի կամ վրա հասած իրադարձությանը հաջորդ օրվանից, որով որոշված է դրա ժամկետի սկիզբը:


5. Օրենքի 93-րդ հոդվածի 9-րդ մասի համաձայն՝ վարույթով պատասխանող տնտեսվարող սուբյեկտի կողմից Հանձնաժողովի նախագահի գրությամբ կամ Հանձնաժողովի որոշմամբ կամ օրենսդրությամբ սահմանված փաստաթղթեր կամ այլ տեղեկատվություն սահմանված ժամկետում չներկայացնելու կամ ոչ հավաստի կամ ոչ ամբողջական տեղեկություններ ներկայացնելու համար նշանակվող տուգանքի չափը կազմում է մինչև վարույթով քննարկվող իրավախախտման, մի քանի խախտումների դեպքում դրանց համար սահմանված առավել խիստ տուգանքի չափը:

6. Օրենքի 93-րդ հոդվածի 8-րդ մասի համաձայն՝ տնտեսվարող սուբյեկտի կողմից Հանձնաժողովի նախագահի գրությամբ կամ Հանձնաժողովի որոշմամբ կամ օրենսդրությամբ սահմանված փաստաթղթեր կամ այլ տեղեկատվություն սահմանված ժամկետում չներկայացնելու կամ ոչ հավաստի կամ ոչ ամբողջական տեղեկություններ ներկայացնելու համար նշանակվող տուգանքի չափը կազմում է մինչև հինգ միլիոն դրամ:

Կից ներկայացվում է 2021 թվականի հուլիսի 6-ի թիվ 150-Ա որոշման պատճենը:


Առդիր՝ «3» թերթ:

ՀԱՐԳԱՆՔՈՎ՝
ՊԱՇՏՈՆԱԿԱՏԱՐ



ՀԱՅԿ ԿԱՐԱՊԵՏՅԱՆ

Մրցակցության գնահատման և վերահսկողության վարչության
Համակենտրոնացումների, պետական օժանդակության
և պետական գնումների վերահսկողության բաժին
Կապարող՝ Սրբուհի Հակոբյան,
Հեռ. (+374 60) 83-08-40 (234)



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎ

ՈՐՈՇՈՒՄ

06 հուլիսի 2021 թվականի N 150-Ա

**«ԻՄՊԵՐԻԱԼ ՊԱԼԱՍ ՀՈԹԵԼ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ
ԸՆԿԵՐՈՒԹՅԱՆ ԵՎ ՖԻԶԻԿԱԿԱՆ ԱՆՁ ՎԱԼԵՆՏԻՆ ՍԱՐԳՍՅԱՆԻ ԿՈՂՄԻՑ
ՏՆՏԵՍԱԿԱՆ ՄՐՑԱԿՑՈՒԹՅԱՆ ԲՆԱԳԱՎԱՌՈՒՄ ԻՐԱՎԱՔԱՆԿՏՄԱՆ
ՎԵՐԱԲԵՐՅԱԼ ՎԱՐՈՒՅԹ ՀԱՐՈՒՑԵԼՈՒ ՄԱՍԻՆ**

Մրցակցության պաշտպանության հանձնաժողովը (այսուհետ՝ Հանձնաժողով) 2021 թվականի հուլիսի 6-ի դռնբաց նիստում, քննարկելով «Իմպերիալ Պալաս Հոթել» սահմանափակ պատասխանատվությամբ ընկերության (այսուհետ նաև՝ Ընկերություն) և ֆիզիկական անձ Վալենտին Սարգսյանի կողմից տնտեսական մրցակցության բնագավառում իրավախախտման վերաբերյալ վարույթ հարուցելու մասին հարցը,

Պ Ա Ր Զ Ե Ց

Հանձնաժողովի մրցակցության գնահատման և վերահսկողության վարչության համակենտրոնացումների, պետական օժանդակության և պետական գնումների վերահսկողության բաժնի կողմից 2021 թվականի հունիսի 18-ին ներկայացվել է զեկուցագիր (այսուհետ՝ Ձեկուցագիր) չհայտարարագրված համակենտրոնացումների հնարավոր դեպքերի հայտնաբերման նպատակով իրականացված ուսումնասիրության վերաբերյալ, որի շրջանակներում դիտարկվել են 2019 թվականի ընթացքում տեղի ունեցած տնտեսավարող սուբյեկտների միացման, միաձուլման, փայաքաժնի ձեռքբերման գործարքները:

Իրականացված ուսումնասիրության ընթացքում հիմք է ընդունվել Արդարադատության նախարարության իրավաբանական անձանց պետական ռեգիստրի գործակալության <https://www.e-register.am/> պաշտոնական էլեկտրոնային համակարգում առկա տեղեկատվությունը:

Մասնավորապես, համաձայն վերը նշված տեղեկատվության 2019 թվականի սեպտեմբերի 23-ին ֆիզիկական անձ Վալենտին Սարգսյանը ձեռք է բերել Ընկերության կանոնադրական կապիտալում Արմենուի Լիպարիտի Մալխասյանին պատկանող 100 տոկոս բաժնեմասը:

Ուսումնասիրության շրջանակներում Հանձնաժողովի նախագահի ապրիլի 16-ի ԳԳ-952 գրությամբ Ընկերությունից պահանջվել է համապատասխան տեղեկատվություն:

Ընկերության կողմից 2021 թվականի մայիսի 20-ին Հանձնաժողով ներկայացված տեղեկատվության համաձայն Ընկերությունը զբաղվում է հյուրանոցային ծառայությունների մատուցմամբ:

Ընկերության 2018 թվականի ֆինանսական տարվա ակտիվների արժեքը կազմել է 3 119 339, 6 հազ. դրամ, իսկ հասույթի չափը՝ 418 939,5 հազ. դրամ:

Հարկ է նշել, որ Ընկերությունը Հանձնաժողով չի ներկայացրել գործարքի մասնակիցների միջև անձանց խմբի հատկանիշների առկայության վերաբերյալ տեղեկատվություն:

«Տնտեսական մրցակցության պաշտպանության մասին» օրենքում փոփոխություն կատարելու մասին» 2021 թվականի մարտի 3-ի ՀՕ-92-Ն օրենքի (ուժի մեջ է մտել 2021 թվականի մայիսի 31-ին) 1-ին հոդվածով «Տնտեսական մրցակցության պաշտպանության մասին» օրենքը (այսուհետ՝ Օրենք) շարադրվել է նոր խմբագրությամբ:

Մինչև 2021 թվականի մայիսի 31-ը գործող խմբագրությամբ Օրենքի 8-րդ հոդվածի 1-ին մասի 4-րդ կետի համաձայն՝ տնտեսվարող սուբյեկտների համակենտրոնացում է համարվում տնտեսվարող սուբյեկտի կողմից Հայաստանի Հանրապետությունում գրանցված այլ տնտեսվարող սուբյեկտի փայաբաժնի ձեռքբերումը, եթե դա ինքնին կամ ձեռք բերողին արդեն պատկանող փայաբաժնի հետ միասին կազմում է այդ տնտեսվարող սուբյեկտի կանոնադրական (բաժնեհավաք) կապիտալի 20 տոկոսը կամ ավելին:

Մինչև 2021 թվականի մայիսի 31-ը գործող խմբագրությամբ Օրենքի 9-րդ հոդվածի համաձայն՝ տնտեսվարող սուբյեկտների համակենտրոնացումը, մինչև գործողության մեջ դնելը, ենթակա է հայտարարագրման, եթե՝ համակենտրոնացման մասնակիցների ակտիվների կամ հասույթի ընդհանուր արժեքը (չափը) կամ մասնակիցներից առնվազն մեկի ակտիվների կամ հասույթի արժեքը (չափը) դրա ստեղծմանը նախորդող վերջին ֆինանսական տարում գերազանցել է Հանձնաժողովի 2016 թվականի դեկտեմբերի 16-ի «Հայտարարագրման ենթակա համակենտրոնացումների մասնակցի (մասնակիցների) ակտիվների և հասույթ(ներ)ի արժեքը (չափը) սահմանելու, տնտեսվարող սուբյեկտների համակենտրոնացման հայտարարագրման կարգի հայտարարագրի ձևի մասին» թիվ 478-Ն որոշմամբ սահմանված ակտիվների կամ հասույթ(ներ)ի արժեքը (չափը):

Մինչև 2021 թվականի մայիսի 31-ը գործող խմբագրությամբ Օրենքի 10-րդ հոդվածի 4-րդ մասի 1-ին ենթակետի համաձայն՝ արգելվում է հայտարարագրման ենթակա համակենտրոնացումը գործողության մեջ դնելը՝ մինչև Հանձնաժողովի կողմից որոշում կայացնելը (չհայտարարագրված համակենտրոնացում):

Մինչև 2021 թվականի մայիսի 31-ը գործող խմբագրությամբ Օրենքի 31-րդ հոդվածի 1-ին մասի համաձայն՝ սույն օրենքի խախտման դեպքում Հանձնաժողովն իրավասու է իր որոշմամբ տալու նախազգուշացում կամ նշանակելու տուգանք:

Մինչև 2021 թվականի մայիսի 31-ը գործող խմբագրությամբ Օրենքի 36-րդ հոդվածի 4.1-ին մասի համաձայն՝ համակենտրոնացումը չհայտարարագրելու համար նշանակվող տուգանքի չափը կազմում է մինչև հինգ միլիոն դրամ:

Վերոգրյալ իրավակարգավորումներին նույնաբովանդակ դրույթներ նախատեսված են նաև Օրենքի 13-րդ, 15-րդ, 73-րդ, 92-րդ և 93-րդ հոդվածներով:

Տվյալ պարագայում Ձեկուցագրերի ուսումնասիրությունից պարզ է դառնում, որ Ընկերության ակտիվների արժեքը գերազանցում է Հանձնաժողովի 2016 թվականի դեկտեմբերի 16-ի թիվ 478-Ն որոշմամբ սահմանված ակտիվների արժեքը, ինչպես նաև ներկայացված տեղեկությունների համաձայն՝ գործարքի մասնակիցների միջև անձանց խմբի հատկանիշների վերաբերյալ տեղեկություններ առկա չեն, հետևաբար Ընկերության և ֆիզիկական անձ Վալենտին Սարգսյանի կողմից 2019 թվականի սեպտեմբերի 23-ի համակենտրոնացումը Օրենքով սահմանված կարգով չհայտարարագրելը առերևույթ պարունակում է Օրենքի խախտման հատկանիշներ:

Հաշվի առնելով վերոնշյալը՝ Հանձնաժողովն անհրաժեշտ է համարում Ընկերության և ֆիզիկական անձ Վալենտին Սարգսյանի կողմից տնտեսական մրցակցության բնագավառում իրավախախտման վերաբերյալ հարուցել վարույթ:


Ելնելով վերոգրյալից և հիմք ընդունելով Օրենքի 76-րդ հոդվածի 1-ին մասի 3-րդ կետը, 79-րդ հոդվածի 3-րդ մասի 1-ին կետը, 83-րդ հոդվածի 1-ին մասը և 42-րդ հոդվածի 2-րդ մասը՝ Հանձնաժողովը

Ո Ր Ո Շ Ե Ց

1. «Իմպերիալ Պալաս Հոթել» սահմանափակ պատասխանատվությամբ ընկերության և ֆիզիկական անձ Վալենտին Սարգսյանի կողմից տնտեսական մրցակցության բնագավառում իրավախախտման վերաբերյալ հարուցել վարույթ:

2. Սույն որոշումն ուժի մեջ է մտնում ընդունման պահից:

ՆԱԽԱԳԱՀ



ԳԵՂԱՄԻ ԳՅԱՆ

2021 թ. հուլիսի 06

Երևան